

مستطابق

در سعادته باب عالی جاده سنده
اداره مخصوصه
محل اداره :

انظار :
مسلمانه موافق آثار جدید مع المنزیه
قبول اولنور
درج ابدله بن آثار اعاده اولغاز

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

سنه لک	القی آیلمی	درسه دتده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ خمر ۳۲۴

در سعادته نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ فروش فضله آلنیر

در سعادته پوسته ایله کوندریلیرسه ولایات بدلی اخذ اولنور.

افراد عائله دن کیمسه بی بوله مدم . دوندم طولاشندم ملجاً و پناگاه
غربا اولان مقر خلافت کلدن . او زمان خانقاه جناب پیرده پوست نشین
ارشاد بولنان شیخ عبدالعزیز افندی به انابه ایله درگاهده قرار قلدن . قدرک
بو جلوه سیدرکه بزی بو دارالفیض الهی به سوق ایدوب قدح معلا دن
جرعیاب ایلدی .

بو خانقاه فیض اکتناه ایله موره لیلر آره سنده اوتنه نبری برمناسبت
واردن . تربه شریفده مدفون اعزّه کرامدن موره وی شبنخ یحی
افندی و قتیله درگاهک پوست نشینلرندن ایدی ، او یحی افندی که مصرلی
دیه شهرت بولمش اولان سامی پاشانک بیوک پدری در . بو نکچوندرکه
سامی پاشا مرحوم آخر عمرینه دک درگاهی زیارتدن خالی قالمشدر . کرک
کندینک کرک مخدومی صبحی پاشانک حضرت نورالدین حقننده
بلیغ وغراء قصیده لری واردن . چو جقلمزده درگاهک توحیدخانه
سندمه معلق لوحه لری از برله دیکمز صرده بر دانه سی بزی اول قدر
اسلوب و خیاله حیران ایتشدی که حالا اونوته مام . اوده صبحی پاشا
مرحومک کنجلیکنده سویله مش اولدینی شویتدر :

سینه چاک عشق اولوب درگاه نورالدینده

صبحیا داغ دلی جراحی به قیل آشکار

حضرت نورالدین جراح پاشالی اولدینی ایچون جراحی دیه
شهرت بولمش اولدینی حالد پاشا مرحوم اصل محله نک بانیسندن
مناسبت الدیرمق شوکوزل خیالی احتوا ایدن بیتی انشاد ایلمش .

دونه لم صده : سنوی درت کیسه فاضی اولوب پدرک وفاتیه
مناصفه ایکی قرن داشه انتقال ایدن اسهامک براتلری والدنک یاننده
محفوظ ایدی . نه برکره کورمک بزم خاطر مزه کلدی ، نه ده اولده
کوسترم دیدی . نهایت راقم الحروف سیواسده ایکن اسهام دولت
تحويلات عثمانیه به تبدیل اولدینی جهته اندن صوکره دخی کورمک
بکا نصیب اولدی . فقط رحمتی والدنک وفاتندن صکره اوراق پدری
تدقیق ایتدیکم اثنا ده مرحومک عهده سنده قید حیات ایله مشروط
اوج عدد اسهام براتی کوردم . بو اوج براتک ایکسی ، برغمه وتوابی

مابدی وار برکت زاده : اسماعیل مفی

تصحیح — کچنکی [یاد ماضی] ده [نورالدین] ، [عنکبوت] ،
[صباحلری] ، [روخی] کلاتی سهواً [نوری الدین] ، [عنکبوت] ،
[صباحلری] ، [روض] دیه ترتیب ایدلمشدر .

مَوْلَا عَظِيمًا

مقروی
مناسبتی اسماعیل حق
مهرری
ح . اشرف ادیب
۵۴ درس — ۲۳ کانون ثانی سنه ۲۲۴

اعوذ بالله من الشیطان الرجیم . بسم الله الرحمن الرحیم « یرید الله
لیین لکم و یریدکم سنن الدین من قبلکم و یتوب علیکم والله علیم حکیم .

والله یرید ان یتوب علیکم و یرید الذین یتبعون الشهوات ان تمیلوا میلاً
عظیماً . یرید الله ان یخفف عنکم وخلق الانسان ضعیفاً .) صدق الله العظیم :
بو اوج آیت جلیله سورة نسا ده یکدیگری ولی ایدرک واقعدر :
بوسورة جلیله ده سکرز آیت واردرکه بشارت جلیله قرآنیه دن معدود دز :
عبدالله ابن عباس بیورمشدر : « ثمان آیات فی سورة النساء هی خیر
لهذه الامة فاطلعت علیه الشمس وغربت » سورة نسا ده سکرز آیت
جلیله واردن ، او آیتلر بوامت محمد ایچون او قدر خیرلی ، اودرجه
فائده لیدر ، اولرتبه شرف وسعادت تأمین ایدرکه شمسک طالع وغارب
اولدینی بتون کائنات ، طلوع وغروب معروض بتون موجودات ،
الحاصل مظهر رغبت انام اوله جق بوتون اشیادن خیرلی واشرفدر .
بتون دنیا به مالک اولسهر او قدر منفعت تأمین ایده مزله ، اما شو آیاته
رعایت ایدرلرسه : هم دنیا هم آخرته موجب سعادتلری اولور .
دنیا به نسبت ایدرسه ک چوق فوقنده : صکره آخرت سعادت تی ده تأمین
ایدن . اوج آیت ایشه بو اوقود قلمزدر . درنجیسی : « ان تجتنبوا
کبائر ما تنهون عنه نکفر عنکم سیئاتکم و ندخلکم مدخلاً کریماً » .
بشنجیسی : « ان الله لا یظلم مثقال ذرة وان تک حسنة یضاعفها ویؤت
من لدنه اجرأ عظیماً » . صکره الشنجیسی : « ان الله لا یغفر ان یشرك
به ویغفر ما دون ذلك لمن یشاء » یدنجیسی : « ومن یعمل سوء
او یظلم نفسه ثم یتغفر الله یجد الله تواباً رحیماً » . سکرزنجیسی : روایت
مشهوره به کوره — که ابوالسعود تفسیرنده ، بیضاویده مذکوردر . —
« ما یفعل الله بعذابکم ان شکرتم و آمنتم و کان الله شاکراً علیاً » . فقط
بعض تفاسیرده بونک یرینه بشقه بر آیت روایت ایدیلور : « والذین
امنوا بالله ورسوله ولم یفرقوا بین احد منهم اولئک سوف نؤتیهم اجرهم » .
ایکیسی ده برمعنایه یقین . ایچنده پک بیوک تبشیرل وار .

شمعی بوراده کی اوج آیتدن برنجیسی کچن هفته عاجزانه تفسیر
ایتدم . دیکر لیده صرسته تفسیر اولنه جق انشاء الله :

کچن هفته کی درسزده : « یرید الله لیین لکم و یریدکم سنن الدین
من قبلکم و یتوب علیکم والله علیم حکیم » آیت جلیله سنه ایکی معنا
ویرلمشدی : « لیین لکم » یا ، ظاهر اولدینی اوزره ، « یرید » نک
مفعولیدر : جناب باری تبیین حقایق ، تأسیس احکام مراد ایدیور
دینک اولیور . . یاخود « یرید الله الحق لیین لکم » تقدیرنده در . جناب
باری دائماً حق مراد ایدر ، حق نه ایسه سزه اونی تبیین ایده جک ،
حق باطلدن تمیز بیوره جق . « و یریدکم سنن الدین من قبلکم »
حلالی ، حرامی سائر احکام جلیله بی تبیین ایله سزلی ، سزدن اول
یکن انبیا و صالحینک یوله ، مسلکنه ارشاد و هدایت بیوره جق .

بوندن اول بر چوق آیات ، احکام ذکر اولنمشدی . کرک نسانک
حل و حرمتنه دائر ، کرک میراث تقسیمنه دائر ، کرک یتیملر و سائر
ضعفای عباد متعلق بر طاقم احکام شرعیه بیان ایتدی . بونلر ایشه
نیچون بیان اولندی ؟ ... تا که سزدن اول کچنلرک یوله کیده سکر .
اونلرک مسلکنه سالك اوله سکر .

بوندن بوتون شرایع الهیه نك اتحادی لازم كز. بلکه تفرع آنچه برخیلی تفاوت ثابت اولمشدر. فقط اساس هپ بر در. هر زمان خلقه مصلحت نه ایسه آنی بیان بیورور. (و یهدیکم سنن الذین من قبلکم) یعنی نصل که سزدن اول کچن امتلرک زمانلرینه کوره. مصلحت ایجابنه موافق احکام شرعیه تأسیس بیورمشسه سزده اوله؛ یعنی سزکده عصریکزه. قابلیتکزه کوره وضع احکام بیوریور. اوله بیلیرکه بعضیلری دیکشیر. مثلاً ایکی همشیره ییننی جمع ایتک حضرت یعقوب شریعتده جائز ایدی. حالبوکه بزه حرام ایدلمش: (وان تجمعوا بین الاختین الاماقدسلف). دهانه بی حرام ایدیورم سزه؛ ایکی همشیره ییننی جمع ایتکی! برکیمسه ایکی قادین تحت نکاحه آله بیلیر، لکن دقت ایتلی، بر برینک همشیره سی اولیه جق. یاخود همشیره قیزی. قرداش قیزی اولیه جق. یعنی ایکی قیز قرداشی آله مدینی کبی، بر قیزی تیزه سی ایله وخاله سی ایله برابرده بولوندره مز، حرامدر. نه نکاحنده، نه ده عدت ایچنده. حتی بر همشیره یی تطلیق ایتش اولسه، تا عدتی تمام اوله دن، دیگر همشیره یی آله ماز. اما وفات ایدرسه در عقب آله بیلیر. چونکه وفات ایدنک عدتی یوق. اما تطلیق ایدرسه قادینک عدتی تمام اولدقچه بالذیننی آلمسی مشروع دکدر. قرآنده مصرحدر: (وان تجمعوا بین الاختین الاماقدسلف). حضرت یعقوب ایشته آلمشدی. یوسفک والده سیه برابر تیزه سی ده حضرت یعقوبک تحت نکاحنده ایدی. صکره والده سی وفات ایتدی، تیزه سی باقاردی. هم اووکی والده سی، هم تیزه سی.

دیمک بتون احکام شرعیه عینی عیننه اولمق لازم دکل. بلکه مصلحتنه کوره تأسیس بیورور. بز تمامیه اسرار شریعتی اکلایه میز. فقط مطلقاً بر حکمت مشروعیت وارددر. اوزمان خلقه کوره تأسیس بیورولمشدر. (یریدالله لیبن لکم و یهدیکم سنن الذین من قبلکم). سزدن اول کچن اولیا وصالین نصل که احکام الهیه می بیلیر، مقتضاسنجه حرکت ایتدیلر؛ سزده اوکره نه سکز، او یوله کیده سکز، بشقه طریق سلامت یوق.

شمدی کل ایکنجی آیت: (والله یرید ان یتوب علیکم... الخ) ایشته جق و حقیقت نه ایسه رب ذوالجلال کز بیان ایتمشدر. سزک سلامت و سعادت کز بویولده در انجق. (والله یرید....) الله ذوالجلال نه بی مراد ایدیور؟ سز توبه ایتدیککز وقت، توبه کزی قبول ایتکی. نصل حقه هدایت ایلور، احکام الهیه رعایت ایتکزی ده امر ایدیور. لکن بیلور تمامیه رعایت ایده مز سکز. احکام الهیه رعایت خصوصنده قصوریکزی بیلیر. انک ایچون توبه قبولرخی ده سزه آچمشدر. توبه کزی قبول... اوده مراد الهی در، دائماً استقامت اوزره حرکت ایدوبده مخالفت ایتماک ممکناتدن دکل. مراد الهی دکل او. طبیعت بشریه ده خیره ده، شره ده میل ورغبت قویمش. بر طاقملری احکام الهیه رعایت ایده جکدر، بر طاقملری ده رعایت ایتیه جکدر. بعضیلری نادم اوله جق، نادم اولونجه توبه سنی قبول ده مراد الهی در. ایشته مؤمنلرک الله ولیسی در، ناصری در. سلامت یولنی کوستریر.

سعادت جهته سوق ایدر. هرکسه نعم الهیه سنی بذل ایلر. وقصور ایدلیدی زمان تلافی مافات ایچون طریقی کوستریر. اما دشمنلرکز بویله می یاپار سزه؛ ... باقکزه، دوستکزه الله... مطیع اولورسه کز سویور. عاصی اولورسه کز سلامت کوستریور. بوندن بیوکلک اولماز. بونک فوقنده عنایت بولماز. اما دشمنلرکز ای ده اولسه کز سزه دشمن، قتاده اولسه کزینه دشمن. سزی قتاله چکیورلر. سیئات طرفه میل استیریورلر. اخلاقکزی بوزمق، احکام شرعیه دن اوزاق قیلمق ایستلر. اوحالده دنیا کزده کیدر. دینکزه کیدر؛ بو آیتک مفاد واسعی ازمنه سالفیه اولدینی کبی زمانمزده پک موافقدر.

صکره (و یرید الذین یتبعون الشهوات ان تمیلوا میلاً عظیماً) اول کیمسه لکه دائماً شهواته اتباع ایدیورلر، یعنی شرع شریفه اتباع ایتزلر، احکام دینیه کوزتمزلر، یالکزه شهوات نفسانیه طاپارلر. حرام ایش، حلال ایش؛ اصلاً قایرمازلر. حظوظات شهوات نه ایسه ایشله مک ایستلر... کیملردر بونلر؛ کافرلر، فاجرلر، کفره فخره. یعنی کافرلر بویله شریعت. محمدیه ایله مقید اولدینی کبی بر طاقم فاجرلر ده وار: فخره مسلمین... بر طاقم فاسقلر، منافقلر وار: اونلر ده شریعته اتباع ایتزلر. بلکه شهواته اتباع ایدرلر. یعنی حلالی، حرامی تمیز ایتیورلر. بر انسان مقتضای شهوتی نه ایسه اونی اجرایه امکنی حصر ایدرسه؛ فی الحقیقه شهوت پرستدر او. شهواته اتباع بو دیمکدر. اما بر طاقم مباح شهوتلر وار؛ اونلرکه شریعت تجویز ایتش، بو شهوت مقتضای طبیعتدر. ارزو وهوسنی شریعت دائره سنده ایشلرسه او، شرع شریفه تابع صاییلیر. اوته کیلر، شرع ایله تقید ایتز. بیضاوی دیور: (واما التعاطی لما سوغه الشرع منها فهو متبع له لاله) دیمک هیمز فاجر اولدق. نه دن؟ شهواته اتباع ایتین وارمی؟ یمک، ایچمک، سائر خصوصات بشریه اتباع شهوت دکلی؟ نفسک ارزو ایتدیک بر شی یاپه جقسک. شهوت ایله غصب هرشیده وار. یمک، ایچمک، مشتهیات نفسانی. لکن مادامکه شرعک تجویز ایتدیکنی یاپیورسک، اوحالده اتباعک شرعه اولور. اوته کیلر حلال و حرامی دوشونمزلر. اونک ایچون الله اونلره شهوت پرست دیور. بوتعبیرله یاد ایدر. شرعک حلال کور دیکنی یاپیور، منع ایتدیکندن احتراز ایدیور، اوحالده مأجوردر. وبال یوقدر حقیقتده. شرعه مطابق در. اما کافرلر و سائر فخره مسلمین... اونلر شهوت مقتضاسنه اوپارلر. انک ایچون مؤمنلر حقیقتده نه بی تمنی ایدیورلر؟ (ان تمیلوا میلاً عظیماً) ایستلرکه میل عظیم ایله میل ایده سکز. حقدن آیرمق ایستلر. آرزولری اودر: اخلاق فاضله اسلامییه محو و افنا ایتک. اوله دینکزی ضعیفلاته جقلر. یول اودر چونکه. صوکره دنیا کزی ده اله جقلر، سزی ذلیل، حقیر ایده جکدر.

مابعدی وار